

Reykjavík, 27. apríl, 1990

Kæru kosningastýrur!

Nú er endanlega ljóst, að sérframboð kvennalistakvenna í kosningunum eftir mánuð verða á fjórum stöðum, þ.e. á Akureyri, ísafirði, í Kópavogi og Reykjavík. Kosningastýrur hafa þegar tekið til starfa nema á Akureyri skv. síðustu fréttum, en sjálfsagt er ein slik þar á þröskuldinum.

A þessum tímamótum þykir okkur framkvæmdaráðskonum timabært að halda samráðsfund með kosningastýrum til að skýra ýms atriði, og var undirritaðri falið að hafa samband við ykkur um það efni. Hugmynd okkar er, að hann verði haldinn í næstu viku, en nánar um stað og stund hlýtur einkum að ráðast af aðstæðum ykkar á Akureyri og ísafirði. Spurningin er, hvort þið viljið koma á fund hingað, og ef þið getið það, hvaða tími henti þá best. Það er mest undir ísfirðingum komið, því Akureyringar hafa úr fleiri flugferðum að velja. Hinn möguleikinn er að hafa þetta símafund, sem ætti reyndar alveg að duga okkur, ef við erum vel undirbúnar. Ef þið eruð sammála því er hugmynd okkar sú að hafa slikan símafund kl. 5 fimmtudaginn 3. maí.

Það sem við þurfum að ræða er eftirfarandi:

1. Fjármál.

Eins og þið munið var ákveðið á samráðsfundi í vetur, að hvert sérframboð kvennalistakvenna fengi 100 þús. kr. startgjald, en auk þess var sérmerkt 1 milljón, sem skipt yrði síðar. Ennfremur, að Samtökin önnuðust öflun ýmiss konar söluvarnings, sem sérframboðin fengju ágóðann af. Nú er allt komið á fljúgandi ferð í kosningabaráttunni, og þótt kvennalistakonur séu auðvitað enn sem fyrr hagsýnar húsmæður eru ýms útgjöld óhjákvæmileg. Loo þúsundin og söluvarninginn hafa angalangarnir þegar fengið, en nú er timabært að skipta milljóninni. Meðfylgjandi eru tillögur að skiptingu og rétt að upplýsa, að á fundi framkvæmdaráðs í gær var samþykkt að mæla með tillögu nr. 1, enda á hún sér fordæmi frá því í kosningunum 1986.

2. Bréf til námsmanna erlendis.

Sú hugmynd hefur komið fram hjá Reykjavíkurkonum, að námsmönnum erlendis verði sent bréf fyrir kosningarnar. Fyrir þingkosningarnar 1987 sömdum við fréttabréf í sama stíl og okkar mánaðarlega fréttabréf og sendum námsmönnum erlendis. Það gafst ágætlega, en fór reyndar heldur seint af stað, svo að sennilega voru ýmsir þegar búnir að kjósa. Auðvitað kostar þetta tíma, fyrirhöfn og peninga - við reynum að hafa betri upplýsingar um það fyrir fundinn - en spurningin er sú, hvort þið viljið fara út í þetta saman, eða hvort hver angalangi vill vera út af fyrir sig með þetta eins og önnur útgáfumál og pappírssendingar.

3. Auglýsingar.

X Þið hafið þegar fengið bréf frá Sigrúnu Jóns með upplýsingum um auglýsingasamning við Tímann og DV, en hún hefur meira að segja ykkur um auglýsingamál, m.a. varðandi virðisaukaskattinn.

4. Annað.

Undir þennan lið kemst auðvitað allt milli himins og jarðar, og sjálfsagt er margt, sem þið viljið ræða, spyrja og miðla eftir atvikum, því nú er um að gera að samnýta hugmyndir og miðla reynslu eftir föngum.

Eg sendi þetta með telefaxi og bið ykkur að hafa samband sem fyrst eftir helgina, við Sigrúnu eða undirritaða í 91-11560 eða Imbu í 91-13725. Bætið við fundarefnum og tjáið ykkur um fyrirkomulagið, stund og stað.

Með systurlegri kveðju,

Hans Þór Hallðorðsson

X afsáhið, þúta er missliðingur,
þið fáið þúta eftir helgi!